



王叔和脉經

四

特別
498
4



門 498
4

脉經卷之四

辨三部九候脉證第一

凡四十一條

松井家藏

經言所謂三部者寸關尺也。九候者每部中有天地人也。上部主候從胸以上至頭。中部主候從膈以下至氣街。下部主候從氣街以下至足。浮沉牢結遲疾滑澹各自異名分理察之勿怠。觀變所以別三部九候。知病之所起審而明之。針灸亦然也。故先候寸脉中一作寸中於九浮在皮膚沉細在裏。昭昭天道可得長久。上部之候牢

結沉滑有積氣膀胱微細而弱。既引裏急頭痛
欬嗽逆氣上下。心膈上有熱者。口乾渴燥病從
寸口邪入上者。名曰解脈。來至狀如琴絃。苦少
腹痛。女子經月不利。孔竅生瘡。男子病痔。左右
脇下有瘡。上部不通者。苦少腹痛。腸鳴。寸口中
虛弱者。傷氣氣不足。大如桃李實。苦痺也。寸口
直上者。逆虛也。如浮虛者。泄利也。中部脈結者。
腹中積聚。若在膀胱兩脇下有熱。脈浮而大。風
從胃管至。腹脹乾嘔。心下澹澹。如有桃李核。胃

中有寒。時苦煩痛不食。食即心痛。胃脹支滿。膈
上積。肋下有熱。時寒熱淋露。脈橫出上者。脇氣
在膀胱。病即著。右橫關入寸口中者。膈中不通。
喉中咽難。刺關元入少陰下部。脈者。其脈來至
浮大者。脾熱也。與風集合。時上頭痛。引腰背。小
滑者。厥也。足下熱。煩滿。逆上搶心。上至喉中。狀
如惡肉。脾傷也。病少腹。下在膝。諸骨節間寒。清
不可屈伸。脈急如弦者。筋急。足攣結者。四肢重。
從尺邪入陽明者。寒熱也。大風邪入少陰。女子

為白下赤。男子溺血。陰痿不起。引入腹痛。

人有三百六十脈。法三百六十日。三部者。寸關尺也。尺脈為陰。陰脈常沉而遲。寸關為陽。陽脈俱浮而速。氣出為動。入為息。故陽脈六息七息十三投。陰脈八息七息十五投。此其常也。二十八脈相逐上下。一脈不來。知疾所苦。尺勝治下。寸勝治上。尺寸俱平。治中央。臍以上。陽也。法於天。臍以下。陰也。法於地。臍為中。關頭為天。足為地。有表無裏。邪之所止。得鬼病。何謂有表無裏。

寸尺為表。關為裏。兩頭有脈。關中絕不至也。尺脈上不至。關為陰絕。寸脈下不至。關為陽絕。陰絕而陽微。死不治。三部脈或至或不至。冷氣在胃中。故令脈不通也。上部有脈。下部無脈。其人當吐。不吐者。死。上部無脈。下部有脈。雖因無所苦。所以然者。譬如人之有足。樹之有根。雖枝葉枯槁。根本將自生。木有根本。即自有氣。故知不死也。寸口脈平而死者。何也。然諸十二經脈者。皆係於生氣之原。所謂生氣之原者。非謂十二

經之根本也。謂腎間動氣也。此五臟六腑之本。十二經之根。呼吸之門。三焦之原。一名守邪之神也。故氣者人根本也。根絕則莖枯矣。寸口脈平而死者。生氣獨絕於內也。其人便死。其脈不復。世腎間動氣。謂左為腎。右為命門。命門者。精神之所舍。原氣之所係也。一名守邪之神。以命門之神。固守邪氣。不得妄入。入即死矣。此腎氣先絕於內。其人便死。其脈不復。反得動氣也。岐伯曰。形盛脈細。少氣不足以息者。死。形瘦脈大。胸中多氣者。死。形氣相得者。生。參伍不調者。病。三部九候皆相失者。死。上下左右之脈相應。

如參春者。病甚。上下左右相失。不可數者。死。中部之候。雖獨調。與眾藏相失者。死。中部之候相減者。死。目內陷者。死。黃帝曰。冬陰夏陽。奈何。岐伯曰。九候之脈。皆沉細懸絕者。為陰。主冬。故以夜半死。盛躁喘數者。為陽。主夏。故以日中死。是故寒熱者。平旦死。熱中及熱病者。日中死。病風者。以日夕死。病水者。以夜半死。其脈乍數乍疎。乍遲乍疾者。以月乘四季死。形肉已脫。九候雖調。猶死。七診雖見。九候皆順者。不死。所言不死。

者風氣之病。及經月之病。似七診之病。而非也。故言不死。若有七診之病。其脈候亦敗者。死矣。其發噦噫。必審問其所始病。與今之所方病。而后各切循其脈。視其經絡浮沉。以上下逆順。循之。其脈疾者。不病。其脈遲者。病。脈不往來者。死。皮膚著者。死。

兩手脈結。上部者濡結。中部者緩結。三里者豆起。弱反在關。濡反在巔。微反在上。瀦反在下。微即陽氣不足。沾熱汗出瀦。即無血脈。而且寒。起。

二十字
疑誤

黃帝問曰。余欲每視色持脈。獨調其尺。以言其病。從外知內。為之奈何。岐伯對曰。審其尺之緩急。小大滑澁。肉之堅脆。而病形變定矣。調之何如。對曰。脈急者。尺之皮膚亦急。脈緩者。尺之皮膚亦緩。脈小者。尺之皮膚減而少。脈大者。尺之皮膚亦大。脈滑者。尺之皮膚亦滑。脈瀦者。尺之皮膚亦瀦。凡此六變。有微有甚。故善調尺者。不待於寸。善調脈者。不待於色。能參合行之。可為

上工。尺膚滑以淖澤者風也。尺內弱解亦安卧。
 脫肉者寒熱也。尺膚濇者風痺也。尺膚麤如枯
 魚之鱗者水淡飲也。尺膚熱甚脈盛躁者病溫
 也。其脈盛而滑者汗且出。尺膚寒甚脈小急作
 者泄。少氣尺膚烜然烜然甲乙作熱炙人先熱後寒者
 寒熱也。尺膚先寒久持之而熱者亦寒熱也。尺
 膚然熱人迎大者掌奪血尺緊人迎脈小甚則
 少氣色白有加者亡死。肘所獨熱者腰以上熱
 肘前獨熱者膺前熱。肘後獨熱者肩背熱。肘後

麤以下三四寸腸中有蟲。手所獨熱者腰以上
 熱。臂中獨熱者腰腹熱。掌中熱者腹中熱。掌中
 寒者腹中寒。魚上白肉有青血脉者胃中有寒
 諸浮諸沉諸滑諸澁諸弦諸緊若在寸口膈以
 上病若在關上胃以下病若在尺中腎以下病
 寸口脈滑而遲不沉不浮不長不短為無病。左
 右同法。
 寸口太過與不及寸口之脈中手短者曰頭痛
 中手長者曰足脛痛中手促上擊者曰肩背痛

寸口脈浮而盛者病在外

寸口脈沉而堅者病在中

寸口脈沉而弱者日寒一作氣又作中及疝瘕小腹痛

寸口脈沉而弱者髮必墮落

寸口脈沉而緊苦心下有寒時痛有積聚

寸口脈沉胸中短氣

寸口脈沉而喘者寒熱

寸口脈但實者心勞

寸口脈緊或浮膈上有寒肺下有水氣

脈緊而長過寸口者注病

脈緊上寸口者中風風頭痛亦如之千金翼云亦為傷寒

頭痛

脈弦上寸口者宿食降者頭痛

脈來過寸入魚際者遺尿

脈出魚際逆氣喘息

寸口脈漈漈如羹上肥陽氣微連連如蜘蛛絲

陰氣衰

寸口脈偏絕則臂偏不遂其人兩手俱絕者不

可治。

兩手前部陽絕者苦心下寒毒喙中熱。

關上脉浮而大風在胃中張口肩息心下澹澹

食欲嘔。

關上脉微浮積熱在胃中嘔吐虵蟲心健忘。

關上脉滑而小大不勻。千金云必吐逆是為病方欲進

不出。一二日復欲發動其人欲多飲飲即注利

如利止者生不止者死。

關上脉緊而滑者虵動。

關上脉澁而堅大而實按之不減有力為中焦

實有伏結在脾肺氣塞實熱在胃中。澁脉與有

言者浮之澁大按之

關上脉。澹澹大而尺寸細者其人必心腹冷積

癥瘕結聚欲熱飲食。

關上脉時來時去乍大乍小乍疎乍數者胃中

寒熱羸劣不欲飲食如瘧狀。

尺脉浮者客陽在下焦。

尺脉細微澹泄下冷利。

尺脉弱寸强胃絡脉傷

尺脉虚小者足脛寒痿痺脚疼

尺脉澁下血下利多汗素問又云尺澁脉滑謂之多汗

尺脉滑而疾為血虚

尺脉沉而滑者寸白蟲

尺脉細而急者筋攣痺不能行

尺脉麤常熱者謂之熱中腰膝疼小便赤熱

尺脉偏滑疾面赤如醉外熱則病

平雜病脉第二 凡六十五條

滑為實為下又為陽氣衰數為虚為熱浮為風為虚動為痛為驚

沉為水為實又為鬼疰弱為虚為悸

遲則為寒瀇則少血緩則為虚洪則為氣一作熱

緊則為寒弦數為瘧

瘧脉自弦弦數多熱弦遲多寒微則為虚代散

則死弦為痛痺一作浮為風疰偏弦為飲雙弦則

脇下拘急而痛其人瀇瀇惡寒

脉大寒熱在中

伏者霍亂

安卧脉盛謂之脫血

凡亡汗肺中寒飲冷水欬嗽下利胃中虛冷此

等其脉並緊

浮而大者風

浮而大者中風頭重鼻塞

浮而緩皮膚不仁風寒入肌肉

滑而浮散者難緩風

滑者鬼疰

澁而緊痺病

浮洪大長者風眩癩疾

大堅疾者癩病

弦而鉤脇下如刀刺狀如蜚尸至困不死

緊而急者遁尸

洪大者傷寒熱病

浮洪大者傷寒秋吉春成病

浮而滑者宿食

浮滑而疾者食不消脾不磨

短疾而滑酒病

浮而細滑傷飲

遲而瀉中寒有癥結

歇而緊積聚有擊痛

弦急疝瘕小腹痛又為癰病一三作

遲而滑者脹

盛而緊曰脹

弦小者寒澀胸中痰有

沉而弦者懸飲內痛

弦數有寒飲冬夏難治

緊而滑者吐逆

小弱而瀉胃反

遲而緩者有寒

微而緊者有寒

沉而遲腹藏有冷病

微弱者有寒少氣

實緊胃中有寒苦不能食時時利者難治一三作

難治嘔積留

滑數。心中結熱盛。

滑疾。胃中有寒。

緩而滑。曰熱中。

浮一作沉而急。病傷寒。暴發虛熱。

浮而絕者。氣。

辟一作浮大而滑。中有短氣。

浮短者。其人肺傷。諸氣微少。不過一年。死法當
刺也。

浮而數。中水。冬不治。自愈。

短而數。心痛心煩。

弦而緊。脇痛藏傷。有瘀血。一傷有寒血

沉而滑。為下血。亦為背脊痛。

脈來細而滑。按之能虛。因急持直者。僵仆。從高

墮下。病在內。

微浮。秋吉。冬成病。

微浮。雖甚。不成病。不可勞。

浮滑疾。緊者。以合百病。久易愈。

陽邪來。見浮洪。

陰邪來見沉細

水穀來見堅實

脈來乍大乍小乍長乍短者為祟

脈來洪大煩燥者社祟

脈來沉沉澤澤四肢不仁而重土祟

脈與肌肉相得久持之至者可下之

弦小緊者可下之

緊而數寒熱俱發必下乃愈

弦遲者宜溫藥

緊數者可發其汗

診五臟六腑氣絕證候第三 九十三條

病人肝絕八日死何以知之面青但欲伏眠目

視而不見人汗出如水不止汗一日二日死

病人膽絕七日死何以知之眉為之傾汗一作泣

病人筋絕九日死何以知之手足爪甲青呼罵

不休一日八日死

病人心絕一日死何以知之肩息回視立死一日

目亭亭 二日死

病人腸。一曰小腸絕六日死。何以知之。髮直如乾麻。不得屈。何目汗不止。

病人脾絕十二日死。何以知之。口冷足腫。腹熱臙脹泄利不覺。出無時度。一曰五日。

病人胃絕五日死。何以知之。脊痛腰中重不可反覆。一曰脾腸。平九日死。

病人肉絕六日死。何以知之。耳乾舌皆腫。溺血大便赤泄。一曰足腫。九日死。

病人肺絕三日死。何以知之。口張但氣出而不

還。一曰鼻口。虛張短氣。

病人大腸絕不治。何以知之。泄利無度。利絕則死。

病人腎絕四日死。何以知之。齒為暴枯。面為正黑。目中黃色。腰中欲折。自汗出如流。水。一曰平。七日。

病人骨絕齒黃十日死。

諸浮脉無根者皆死。一曰上五臟六腑為根也。診四時相反脉證第四。凡四條。

春二月木王肝脉治當先至心脉次之肺脉次之腎脉次之此為四時王相順脉也到六月土王脾脉當先至而反不至反得腎脉此為腎反脾也七十日死何謂腎反脾夏火王心脉當先至肺脉次之而反得腎脉是謂腎反脾期五月六月忌丙丁
脾反肝三十日死何謂脾反肝春肝脉當先至而反不至脾脉先至是謂脾反肝期正月二月忌甲乙

腎反肝三歲死何謂腎反肝春肝脉當先至而及不至腎脉先至是謂腎反肝也期七月八月忌庚辛

腎反心二歲死何謂腎反心夏心脉當先至而反不至腎脉先至是謂腎反心也期六月忌戊巳

臣億等按千金云此中不論脉金之氣疎累未論指南又推五行亦頗顛倒待別求錄上診損至脉第五凡九條

脉有損至何謂也然至之脉一呼再至曰平三

至曰離經。四至曰奪精。五至曰死。六至曰命盡。此至之脈也。何謂損。一呼一至曰離經。二呼一至曰奪精。三呼一至曰死。四呼一至曰命絕。此損之脈也。至脈從下上。損脈從上下也。損脈之為病奈何。然一損損於皮毛。皮聚而毛落。二損損於血脉。血脉虛少。不能榮於五臟六腑也。三損損於肌肉。肌肉消瘦。食飲不為肌膚。四損損於筋。筋緩不能自收持。五損損於骨。骨痿不能起於床。反此者。至之為病也。從上下者。骨痿不能

能起於床者死。從下上者。皮聚而毛落者死。治損之法。奈何。然損其肺者。益其氣。損其心者。調其榮衛。損其脾者。調其飲食。適其寒溫。損其肝者。緩其中。損其腎者。益其精氣。此治損之法也。脈有。一呼再至。一吸再至。一呼三至。一吸三至。一呼四至。一吸四至。一呼五至。一吸五至。一呼六至。一吸六至。一呼一至。一吸一至。再呼一至。再吸一至。呼吸再至。脈至如此。何以別知其病也。然脈來。一呼再至。一吸再至。不大不小。曰平。

脈經 卷四
一呼三至。一吸三至。為適得其病。前大後小。即頭痛目眩。前小後大。即胸滿短氣。一呼四至。一吸四至。病適欲甚。脈洪大者。苦煩滿。沉細者。腹中痛滑者。傷熱。濇者。中霧露。一呼五至。一吸五至。其人當困。沉細。即夜加浮大。即晝加不大。大小雖困。可治。其有大小者。為難治。一呼六至。一吸六至。為十死。脈也。沉細。夜死。浮大。晝死。一呼一至。一吸一至。名曰損人。雖能行。猶當一作着床。所以然者。血氣皆不足。故也。再呼一至。再吸一

至。名曰無竟。無竟者。當死也。人雖能行。名曰行尸。
扁鵲曰。脈一出一入。曰平。再出一入。少陰。三出一入。太陰。四出一入。厥陰。再入一出。少陽。三入一出。陽明。四入一出。太陽。脈出者。為陽。入者。為陰。故人一呼。而脈再動。氣行三寸。一吸。而脈再動。氣行三寸。呼吸定息。脈五動。一呼一吸。為一息。氣行六寸。人十息。脈五十動。氣行六尺。二十息。脈百動。為一備之氣。以應四時。天有三百六十

十五日人有三百六十五節。晝夜漏息水百刻。一備之氣脉行丈二尺。一日一夜行於十二辰。氣行盡則週遍於身。與天道相合。故曰平平者無病也。一陰一陽是也。脉再動爲一至。再至而緊。卽奪氣。一刻百三十五息。十刻千三百五十息。百刻萬三千五百息。二刻爲一度。一度氣行一周身。晝夜五十度。脉三至者。離經。一呼而脉三動。氣行四寸半。人一息脉七動。氣行九寸。十息脉七十動。氣行九尺。一備之氣脉百四十動。

氣行一丈八尺。一周於身。氣過百八十度。故曰離經。離經者病。一陰一陽是也。三至而緊。則奪血脉。四至則奪精。一呼而脉四動。氣行六寸。人一息脉九動。氣行尺二寸。人十息脉九十動。氣行一丈二尺。一備之氣脉百八十動。氣行一丈四尺。一周於身。氣過三百六十度。再遍於身。不及五節。一時之氣而重至。諸脉浮瀆者。五臟無精。難治。一陰三陽是也。四至而緊。則奪形。脉五至者死。一呼而脉五動。氣行七寸半。人一息脉

十動。氣行尺五寸。人一息。脈百一十動。氣行
 丈五尺。一備之。氣脈一百二十動。氣行三丈。一
 周於身。三百六十五節。氣行過五百四十度。再
 周於身。過百七十度。一節之氣而至。此氣浮瀆
 經行。血氣竭盡。不守於中。五臟痿瘠。精神散亡。
 脈五至而緊。則死。三陰一作三陽是也。雖五猶
 未如之何也。未如之何也。

脈一損一乘者。人一呼而脈一動。人一息而脈
 再動。氣行三寸。十息。脈二十動。氣行三丈。一備

之氣。脈四十動。氣行六尺。不及周身百八十節
 氣短。不能周遍於身。苦少氣。身體懈惰矣。

脈再損者。人一息而脈一動。氣行一寸五分。人
 十息。脈十動。氣行尺五寸。一備之。氣脈二十動
 氣行三尺。不及周身三百節。凝血氣盡。經中不
 能及。故曰離經。血去不在其處。大小便皆血也。

脈三損者。人一息復一呼而脈一動。十息。脈七
 動。氣行尺五分。一備之。氣脈十四動。氣行二尺
 一寸。不及周身二百九十七節。故曰爭。氣行血

留不能相與俱微氣閉實則胸滿藏枯而爭於中其氣不朝血凝於中死矣

脉四損者再息而脉一動人十息脉五動氣行七寸半一備之氣脉十動氣行尺五寸不及周身三百一十五節故曰亡血亡血者亡失其度身羸瘦皮裏骨故氣血俱盡五臟失神其死明矣。

脉五損者人載息復一呼而脉一動人十息脉四動氣行六寸一備之氣脉八動氣行尺二寸

不及周身三百二十四節故曰絕絕者氣急不下床口氣寒脉俱絕死矣。

岐伯曰脉失四時者為至啓至啓者為損至之脉也損之為言少陰主骨為重此至損也飲食衰減肌肉消者是意損也身安卧卧不便利耳目不明是魄損也呼吸不相通五色不華是魂損也四肢皆見脉為亂是神損也太損三十歲中損二十歲下損十歲損各以春夏秋冬平人長脉短者是大損三十歲人短脉長者是中

損二十歲手足皆細。是下損十歲。失精氣者。一歲而損。男子左脈短。右脈長。是為陽損。半歲。女子右脈短。左脈長。是為陰損。半歲。春脈當得肝脈。反得脾肺之脈。損。夏脈當得心脈。反得腎肺之脈。損。秋脈當得肺脈。反得肝心之脈。損。冬脈當得腎脈。反得心脾之脈。損。當審切寸口之脈。知絕不絕。前後去為絕。掌上相擊。堅如彈石。為上脈虛盡。下脈尚有是為有胃氣。上脈盡下脈上下脈皆盡者死。不絕不消者皆生。是損

脈也。至之為言。言語音沉。遠視憤憤。是志之至也。身體粗大。飲食暴多。是意之至也。語言妄見。手足相引。是魄之至也。龍蔥華色。是魂之至也。脈微小。不相應。呼吸自大。是神之至也。是至脈之法也。死生相應。病各得其氣者。生。十得其半也。黃帝曰善。

診脈動止投數疎數死期年月第六凡三條
 脈一動一止。二日死。一經云
 二動一止。三日死。
 三動一止。四日死。或五日死。
 四動一止。六日死。

五動一止五日死或七日死六動一止八日死
 七動一止九日死八動一止十日死九動一止
 九日死又云十日死一經云十日死若立春日死
 十動一止立夏死一經云立夏死十一動一止夏至死
 一經云立夏死一經云立夏死十二動一止立秋死一經云
 一經云立秋死一經云立秋死十三動一止
 十四動一止一經云十五動一止一經云十六動一止一經云
 十七動一止一經云十八動一止一經云十九動一止一經云
 二十動一止一經云二十一動一止一經云二十二動一止一經云
 二十三動一止一經云二十四動一止一經云二十五動一止一經云
 二十六動一止一經云二十七動一止一經云二十八動一止一經云
 二十九動一止一經云三十動一止一經云三十一動一止一經云
 三十二動一止一經云三十三動一止一經云三十四動一止一經云
 三十五動一止一經云三十六動一止一經云三十七動一止一經云
 三十八動一止一經云三十九動一止一經云四十動一止一經云
 四十一動一止一經云四十二動一止一經云四十三動一止一經云
 四十四動一止一經云四十五動一止一經云四十六動一止一經云
 四十七動一止一經云四十八動一止一經云四十九動一止一經云
 五十動一止一經云

一止四歲死五十動一止五歲死不滿五十動
 一止五歲死
 脈來五十投而不止者五藏皆受氣即無病千金
 方云五行氣畢陰陽數同榮衛出入經脈流通晝夜百刻五德相生脈來四十投
 而一止者一藏無氣却後四歲春草生而死脈
 來三十投而一止者二藏無氣却後三歲麥熟
 而死脈來二十投而一止者三藏無氣却後二
 歲桑椹赤而死脈來十投而一止者四藏無氣
 歲中死得節不動出清明日死遠不出穀雨矣

脈來五動而一止者。五藏無氣。却後五日死。
 脈一來而久住者。宿病在心。主中治。脈二來而
 久住者。病在肝支。中治。脈三來而久住者。病在
 脾下中治。脈四來而久住者。病在腎間。中治。脈
 五來而久住者。病在肺支。中治。五脈病虛羸人
 得此者死。所以然者。藥不得而治。針不得而及。
 盛人可治。氣全故也。

診百病死生訣第七 九六十九條

診傷寒熱盛。脈浮大者生。沉小者死。

傷寒已得汗。脈沉小者生。浮大者死。

溫病三。四日以下不得汗。脈大疾者生。脈細小
 難得者死。不治。

溫病穰穰大熱。其脈細小者死。千金穰穰
作時行

溫病下利。腹中痛甚者死。不治。

溫病汗不出。出不至足者死。厥逆汗出。脈堅強
 急者生。虛緩者死。

溫病二。三日身體熱。腹滿頭痛。食飲如故。脈直
 而疾者。八日死。四。五日頭痛。腹滿而吐。脈來細

強十二日死。八九日頭不疼身不痛目不赤色
不變而反利。脈來牒牒按之不彈手。時大心下
堅十七日死。

熱病七八日脈不軟喘一作數者不散當瘡瘡後

三日溫汗不出者死。

熱病七八日其脈微細小便不利加暴口燥脉
代舌焦乾黑者死。

熱病未得汗脉盛躁疾得汗者生不得汗者難

差

熱病已得汗脉靜安者生脉躁者難治

熱病已得汗常大熱不去者亦死大一作專

熱病已得汗熱未去脉來躁者慎不得刺治

熱病發熱盛者其脉陰陽皆竭慎勿刺不汗出

必下利

診人被風不止痿蹙其脉虛者生緊急疾者死

診癰病虛則可治實則死

癰疾脉實堅者生脉沉細小者死

癰疾脉搏大滑者久久自已其脉沉小急實不

可治小堅急亦不可療。

診頭痛目痛久視無所見者死。久視一作卒視

診人心腹積聚其脈堅強急者生虛弱者死又

實強者生沉者死其脈大腹大脹四肢逆冷其

人脈形長者死腹脹滿便血脈大時絕極下血

脈小疾者死

心腹痛痛不得息脈細小遲者生堅大疾者死

腸澼便血身熱則死寒則生

腸澼下白沫脈沉則生浮則死

腸澼下膿血脈懸絕則死滑大則生

腸澼之屬身熱脈不懸絕滑大者生懸澹者死

以藏期之

腸澼下膿血脈沉小流通者生數疾且大有熱

者死

腸澼筋攣其脈小細安靜者生浮大緊者死洞

洩食不化不得留下膿血脈微小連者生緊急

者死

洩注脈緩時小結者生浮大數者死

匿蝕陰疰其脉虛小者生緊急者死
欬嗽脉沉緊者死浮直者生浮軟者生小沉伏
匿者死

欬嗽羸瘦脉形堅大者死

欬嗽脫形發熱脉小堅急者死肌瘦下脫形熱

不去者死

欬而嘔腹脹且洩其脉絃急欲絕者死

吐血衄血脉滑小弱者生實大者死

汗出若衄其脉小滑者生大躁者死

唾血脉緊強者死滑者生

吐血而欬上氣其脉數有熱不得卧者死

上氣脉數者死謂其形損故也

上氣喘息低昂其脉滑手足温者生脉澁四肢

寒者死

上氣面浮腫肩息其脉大不可治加利必死

又甚

上氣注液其脉虛寧寧伏匿者生堅強者死

寒氣上攻脉實而順滑者生實而逆澁則死

云寒氣暴上滿實何如。曰實而滑則生實而澀則死矣。其形盡滿何如。曰形盡滿者脉急大堅尺滿而不應如是者順則生逆則死何謂順者手足逆則死日所謂順者手足温也謂逆者手足寒也

瘕瘕脉實大。病久可治。脉懸上堅急。病久不可治。

消渴脉數大者生。細小浮短者死。

消渴脉沉小者生。實堅大者死。

水病脉洪大者可治。微細者不可治。

水病脹閉其脉浮大軟者生。沉細虛小者死。

水病腹大如鼓。脉實者生。虛者死。

卒中惡吐血數升。脉沉數細者死。浮大疾快者生。

卒中惡腹大。四脉滿。脉大而緩者生。緊大而浮者死。緊細而微者亦生。

病瘡腰脊強急。瘰癧者皆不可治。

寒熱瘰癧其脉代絕者死。

金瘡血出太多。其脉虛細者生。數實大者死。

金瘡出血脉沉小者生。浮大者死。

斫瘡出血一二石。脉來大二十日死。
斫瘡出血一二石。脉來大二十日死。
斫刺俱有病多少。血出不自止者七日死。滑細者生。

從高頓仆內有血。腹脹滿其脉堅強者生。小弱者死。

人為百藥所中傷。脉浮澁而疾者生。微細者死。洪大而遲者生。千金遲作速

人病甚而脉不調者難差。人病甚而脉洪者易差。

人內外俱虛。身體冷而汗出。微嘔而煩。擗手足厥逆。体不得安靜者死。

脉實滿。手足寒。頭熱。春秋生。冬夏死。
老人脉微。陽羸陰強者生。脉焮大加息。一作如急者死

陰弱陽強。脉至而代。寄一作奇者死。
尺脉瀉而堅。為血實氣虛也。其發病腹痛逆滿。

氣上行。此為婦人胞中絕傷。有惡血久成結瘕。得病以冬時。赤一作赤而得病。以冬時。赤一作赤而得病。

尺脉細而微者。血氣俱不足。細而來有力者。是

脈經 卷之四 二

穀氣不充病得節輒動棗葉生而死此病秋時得之

左手寸口脈偏動乍大乍小不齊從寸口至關

關至尺三部之位處處動搖各異不同其人病

仲夏得之此脈桃花落而死花一作葉

右手寸口脈偏沉伏乍小乍大朝來浮大暮夜

沉伏浮大即太過上出魚際沉伏即下不至關

中往來無常時時復來者榆葉枯落而死葉一作葉

右手尺部脈三十動一止有頃更還二十動一

止乍動乍疎連連相因不與息數相應其人雖食穀猶不食繁草生而死

左手尺部脈四十動而一止止而復來來逆如

循直木如循張弓弦絙絙然如兩人共引一索

至立冬死千金作至立春而死

診三部脈虛實決死生第八 九二十六條

三部脈調而和者生

三部脈廢者死

三部脈虛其人長病得之死虛而瀆長病亦死

虛而滑亦死。虛而緩亦死。虛而弦急癲病亦死。
 三部脉實而大長病得之死。實而滑長病得之。
 生。卒病得之死。實而緩亦生。實而緊亦生。實而
 緊急癲癩可治。

三部脉強非稱其人病便死。

三部脉羸非其人脉一作得之死。

三部脉羸長病得之死。卒病得之生。

三部脉細而軟長病得之生。細而數亦生。微而
 緊亦死。

三部脉大而數長病得之死。

三部脉微而伏長病得之死。

三部脉軟一作長病得之。不治自愈治之死。卒

病得之生。

三部脉浮而結長病得之死。浮而滑長病亦死。

浮而數長病風得之生。卒病得之死。

三部脉芤長病得之生。卒病得之死。

三部脉弦而數長病得之生。卒病得之死。

三部脉革長病得之死。卒病得之生。

三部脉堅而數。如銀釵股。蠱毒病必死。數而軟。蠱毒病得之生。

三部脉澌澌如羹上肥。長病得之死。卒病得之生。

三部脉連連如蜘蛛絲。長病得之死。卒病得之生。

三部脉如霹靂。長病得之死。三十日死。

三部脉如弓弦。長病得之死。

三部脉累累如貫珠。長病得之死。

三部脉如水淹然流。長病不治自愈。治之反死。

一云如水。流者長病。二十日死。如木。不流者長病。不治自愈。

三部脉如屋漏。長病十日死。千金云十日死。

三部脉如雀啄。長病七日死。

三部脉如釜中湯沸。朝得暮死。夜半得日中死。

日中得夜半死。

三部脉急切。腹間病及旋轉腹痛。針上下差。

脈經卷之四終

經水不調之原

一、氣血不足
 二、血虛
 三、氣虛
 四、經閉
 五、崩漏
 六、赤白帶下
 七、經行腹痛
 八、經行不準
 九、經行或多或少
 十、經行或前或後
 十一、經行或痛或不痛
 十二、經行或淡或黑
 十三、經行或臭或不臭
 十四、經行或崩或漏
 十五、經行或赤或白
 十六、經行或紫或黑
 十七、經行或淡或黃
 十八、經行或臭或不臭
 十九、經行或崩或漏
 二十、經行或赤或白
 二十一、經行或紫或黑
 二十二、經行或淡或黃
 二十三、經行或臭或不臭
 二十四、經行或崩或漏
 二十五、經行或赤或白
 二十六、經行或紫或黑
 二十七、經行或淡或黃
 二十八、經行或臭或不臭
 二十九、經行或崩或漏
 三十、經行或赤或白
 三十一、經行或紫或黑
 三十二、經行或淡或黃
 三十三、經行或臭或不臭
 三十四、經行或崩或漏
 三十五、經行或赤或白
 三十六、經行或紫或黑
 三十七、經行或淡或黃
 三十八、經行或臭或不臭
 三十九、經行或崩或漏
 四十、經行或赤或白
 四十一、經行或紫或黑
 四十二、經行或淡或黃
 四十三、經行或臭或不臭
 四十四、經行或崩或漏
 四十五、經行或赤或白
 四十六、經行或紫或黑
 四十七、經行或淡或黃
 四十八、經行或臭或不臭
 四十九、經行或崩或漏
 五十、經行或赤或白
 五十一、經行或紫或黑
 五十二、經行或淡或黃
 五十三、經行或臭或不臭
 五十四、經行或崩或漏
 五十五、經行或赤或白
 五十六、經行或紫或黑
 五十七、經行或淡或黃
 五十八、經行或臭或不臭
 五十九、經行或崩或漏
 六十、經行或赤或白
 六十一、經行或紫或黑
 六十二、經行或淡或黃
 六十三、經行或臭或不臭
 六十四、經行或崩或漏
 六十五、經行或赤或白
 六十六、經行或紫或黑
 六十七、經行或淡或黃
 六十八、經行或臭或不臭
 六十九、經行或崩或漏
 七十、經行或赤或白
 七十一、經行或紫或黑
 七十二、經行或淡或黃
 七十三、經行或臭或不臭
 七十四、經行或崩或漏
 七十五、經行或赤或白
 七十六、經行或紫或黑
 七十七、經行或淡或黃
 七十八、經行或臭或不臭
 七十九、經行或崩或漏
 八十、經行或赤或白
 八十一、經行或紫或黑
 八十二、經行或淡或黃
 八十三、經行或臭或不臭
 八十四、經行或崩或漏
 八十五、經行或赤或白
 八十六、經行或紫或黑
 八十七、經行或淡或黃
 八十八、經行或臭或不臭
 八十九、經行或崩或漏
 九十、經行或赤或白
 九十一、經行或紫或黑
 九十二、經行或淡或黃
 九十三、經行或臭或不臭
 九十四、經行或崩或漏
 九十五、經行或赤或白
 九十六、經行或紫或黑
 九十七、經行或淡或黃
 九十八、經行或臭或不臭
 九十九、經行或崩或漏
 一百、經行或赤或白

